

'I FIGGHI R'AMURI

Sulu 'n cucciddu
râ manu r'amuri
abbasta ca cari.

E tu
matri terra
'u ccuògghi e 'u 'ntuppi
nô surcu gghilusa
e tu,
fimmìna spusa
nô ventri 'u mmucci
amurusa

E nô mentri
ca aspìetti l'accua ca ciovi
e 'u suli 'u caluri cunceri,
t'allarichi 'a vesti
e nô piettu 'i pumidda ciù cini tî truovi.

Ora,
ô videntu,
nô risu e nô ciantu
'i jta cùntunu 'i jòrna
'i misi nta cuasi ru' manu
e ô mumentu ca arriva
ancora
'na criatura torna nâ vita
e 'n çìuri
'i figghi r'amuri.